

REFERAT Kommunalbestyrelsi d. 08-10-2024

Mødedato Tirsdag d. 08. oktober 2024 kl. 16:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Inissiaqarfinni ulloq unnuarlu paaqqinnittarfiit.....	7
Piffissami killilimmi immikkoortup ilaani 3D7 saunagusimut aamma spamut nunaminertamik atugæ.....	10
Angallannermut pilersaarut aqut Qinngorput – Nuuk.....	13
Kommunip suliffeqarfittut ilisarnaataanik nittarsaassineq.....	16
Nunaqarfimmi aqutsisut isumasioqatigiissinneqarnerat 2024.....	19
Suliassanik siammarterineq aamma aaqqissuussaannermi iluarsartuussinerit.....	22
Illoqarfimmik Ineriartortitsinerit Sanaartornermullu Ataatsimiititap angalanera pillugu nalunaaru.....	25
Immikkoortumut pilersaarutit pillugit nalunaarutissap tusarniutigineqarneranut akissummik ilisimat.....	28
Utoqqarnut tapersersuinissaq pillugu Inatsisartut inatsisissaattut siunnersuutip tusarniaassutigineqar.....	31
Inuit innarluutillit tapersersorneqarnissaat pillugu Inatsisartut inatsisissaattut siunnersuutip ilassutit.....	35
Ujaqeriviliornissamut aamma nutaamik inuussutissarsiuteqarfiliornissamut pilersaarutit qinnuteq.....	39
Københavns Kommunianik illoqarfittut ikinngutigiiittut suleqatigiinneq pillugu isumaqatigiissuteqa.....	42
2025-mut missingersuutit siullermeerneqarnerat.....	45
Ataatsimeeqataaanginnernik nalunaarsuisarneq.....	49
Lukket.....	52
Lukket.....	53
Lukket.....	54
Imaqarniliap akuerineqarnera.....	55

Punkt .: Saqqaa

Ilaasortat

Avaaraq Olsen (IA)
Charlotte Ludvigsen (IA)
Juaaka Lyberth (IA)
Uju Petersen (IA)
Inge Olsvig Brandt (IA)
Naya-Sophia Lyberth (IA)
Lone Rosengreen Pedersen (IA)
Harald Bianco (IA)
Justus Hansen (D)
Poul Petersen (D)
Dorthe-Marie Mogensen-Fontain (S)
Peter Davidsen (S)
Mala Høy Kûko (S)
Laura Táunâjik Uitsatikitseq (S)
Dines Mikaelen (S)
Doris J. Jensen (S)
Storm Ludvigsen (S)
Ken Madsen (N)
Finn Karlsen (N)

Beslutning

Ataatsimeeqataasut:

Avaaraq Olsen (IA)
Charlotte Ludvigsen (IA)
Juaaka Lyberth (IA)
Uju Petersen (IA)
Inge Olsvig Brandt (IA)
Naya-Sophia Lyberth (IA)
Lone Rosengreen Pedersen (IA)
Poul Petersen (D)
Dorthe-Marie Mogensen-Fontain (S)
Peter Davidsen (S)
Mala Høy Kûko (S)
Laura Táunâjik Uitsatikitseq (S)
Doris J. Jensen (S)
Storm Ludvigsen (S)
Finn Karlsen (N)
Gustav Brandt (D) Justus Hansen-imut sinniisuuvoq (D)

Attaveqaatitigut peqataavoq:

Harald Bianco (IA)
Ken Madsen (N)

Ataatsimeeqataasinnaanatik nalunaartut:

Justus Hansen (D)

Peqataanngillat:

Dines Mikaelen (S)

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Borgmester Avaaraq Olsen (IA) nalunaarutai:

Piffissami 29. aggusti – 7. oktobari 2024

- Naalakkersuinikkut Ataqaatigiissaarisooqatigiit (PKG) 12. aamma 13. septembarimi ataatsimeeqatigineqarput.
- Kapisilinnut angalaneq 26. - 27. septembari.
- Maaniinnaq ikuaallaneq.

Pisussat:

- Inuusutissarsiornermut Immikkoortortamit (Visit Nuuk) Katuami oktobarip 15-ianni takornariaqarnerup ineriartortinneqarnissaanut atatillugu aallarnisaasaneq pillugu innuttaasunik workshopertitsisoqassaaq.
- Reykjavíkimi Arctic Circle Assembly 16. - 20. oktobarimi ingerlanneqassaaq.

Inoqarfinnut Avatangiisinullu Ataatsimiititami siulittaasup Juaaka Lyberth (IA) nalunaarutai:

Ataasinngorneq 30. september, Inoqarfinnut Avatangiisinullu ataatsimiititaliami, Sermersuumi nunaqarfinni aqutsisut siulittaasui, ullup affaani immikkut sammisaqaqatigivavut, 2025-mi kommunip missingersuutaanut nunaqarfinni aqutsisut kissaataasa pingaarnersiorneqarneri pillugit. Ukiunut siuliinut naleqqiullugu taama immikkut sammisaqaqatigiinneq nutaalierneruvoq, nunaqarfiit pilersaarusiortifigineqarnerini (bygdesektorplan) aningaasaliissutaasut 8 mio. kr-nit qanoq atorineqarnissaannut nunaqarfinniut kissaataasa, pingaarnersiorneqarnerisa isumaqatigiinniutigineqarnerini piffissami siusinnerujussuakkut nunaqarfinni aqutsisut siulittaasui isumaqatigiinniaqataallutik peqataatinneqarmata. Immikkut sammisaqarnermi kissaatit immikkoortitserneqarput, sorliit bygdesektorplanikkut aningaasalersorneqarsinnaanersut, allallu sorliit allatigut aningaasartalersorneqarnissaat periarfissiuunneqassanersoq. Taamatut isigalugu oqarsinnaavugut ammaanartoq 8 mio. pineqartut saniasigut nunaqarfinnut aningaasat amerlanerusut pissarsiariniarneqartarnissaat. Taama periarfissaqartuaannarsimavoq, maannali soorlu erseqqissarneqarnerusoq. Puiorneqassanngilartaaq sinerissap qanittuani aalisarnerup nunami sulliveqarnikkut pitsanngorsaavigineqarnissaannut immikkut aningaasaliisoqarnikummat.

Immikkut sammisaqarnerup naammassinerni nunaqarfinnut aqutsisut oqaaserisaat najoqqutaralugit, periuseq nutaaq, immikkut sammisaqaqatigiilluni aningaasartuutissanik pingaarnersiineq, nunaqarfinni aqutsisut siulittaasuinit iluarisimaarneqarpoq.

Ataatsimiititaq nunaqarfinni aqutsisut siulittaasui peqatigalugit ullup affaa immikkut sammisaqarpoq peqatigiillutillu nunaqarfinnut immikkoortumut pilersaarutip aningaasaatai 8 mio. koruuniusut atornissaannut kissaataasut pingaarnersiorlugit.

Suliffeqarnermut Isumaginninnermullu Ataatsimiititami siulittaasup Inge Olsvig Brandt (IA) nalunaarutai:

Meeqqat innarluutillit

Innarluutilinnut tarnimikkullu nappaatilinnut Immikkoortortaqaqarfinni meeqqat innarluutillit sullissisuata Meeqqanut Ilaqutariinnullu Ingerlatsivimmiit nuunneqarnissaanut piareersartoqaleruttorpoq. Allannguut novembarip ulluisa aallaqqaataanni atuutilersinneqassaaq.

Suliffeqarneq aamma Inunnik Isumaginninnermi Kiffartuussivik

Suliffeqarnermut Isumaginninnermullu Ingerlatsivimmi suliassaqaqarfiusimasut marluk Oqartussaaffeqarfik aamma Suliffeqarnermut suliassaqaqarfik kattunneqarput. Suliassaqaqarfiit maanna ima taaguuteqalerput Suliffeqarneq aamma Inunnik Isumaginninnermi Kiffartuussivik. Bea Mølgaard Lennert suliassaqaqarfinni aqutsisuvoq.

Paasisassarsiorluni angalaneq

Utoqqarnut suliaasaqarfimmi kiisalu Innarluutilinnut tarnimikkullu nappaatilinnut Immikkoortortaqarfimmi fagchefiusut Danmarkimut paasisassarsiorlutik angalasimapput. Kommunit nuna tamakkerlugu kattuffiannit aaqqissuunneqartumi isumaginninnermi teknologit iluaqusersuutit pillugit isumasioqatigiinnermut peqataapput.

Meeqqanut Ilaqutariinnut Atuarfeqarnermullu Ataatsimiitami siulittaasup Poul Petersen (D) nalunaarutai:

- Nuummi 9.-10. klassinut Inuussutissarsiorfiit Ilinniarfissallu pillugit nittarsaassineq ”Siunissaqaasa 2024” ingerlanneqarpoq. Nittarsaassineq pillugu nalilersuisoqarumaarpoq
- Ataatsimiititap Tasiilamut angalanissaa januaari 2025-mut kinguartippoq

Punkt 1: Inissiaqarfinni ulloq unnuarlu paaqqinnittarfiit

Beslutning

Ilisimatitsissut tusaatissatut tiguneqarpoq.

Bilag

Ulloq unnuarlu paaqqinnittarfimmik nalunaarsuineq

Nuummi B-1752-ip atorneqarneranik allannguissamik qinnuteqaammut atatillugu eqqaamiunik tusarniaaneq



Inissiaqarfinni ulloq unnuarlu paaqqinnittarfiit

Atuinerup allangortinnissaanut qinnuteqaat

Ilisimatitsissut

SagsID.: BOG-2019-04055-015

Sanarfinermut Avatangiiisnullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Nuummi inissiaqarfinni (Immikkoortoq A) ilaqutariinnut ataatsinut illup atorneqarnerata allangortinneqarnissaanik qinnuteqaammik ingerlatsivik tigusaqarpoq. Isumaginninnermut Aqutsisoqarfik ulloq unnuarlu paaqqinnittarfimmik ingerlataqarnikuuvoq, Børnehjemsvej 23, B-419-imi inissisimasoq atuinermi allanguinermi nunaminertamik atugassiissutitalerneqarsimangitssoq. Taamaalilluni suliassamik saqqummiussinermi matumuuna inatsisitigut naapertuuttunngorsaasoqarpoq, taamaalilluni illu ulloq unnuarlu paaqqinniffittut atorneqarsinnaaniassammat.

Ilaqutariinnut ataatsinut illup ulloq unnuarlu paaqqinniffittut atorneqarsinnaanngorlugu allangortinneqarnissaa qinnuteqaammi kisimi pineqarpoq, qinnuteqaallu illutaanik allanguinissamut tunngasuunngilaq. Ingerlatsivimmiit naatsorsuutigineqanngilaq, atuinermi allanguineq biilinik inissiivissanik amerlanerusunik pisariaqartitsisoqalissasoq.

Qinnuteqartumit qinnuteqaammi nassuiaatigineqarpoq, Angerlarsimaffik Ivanermi immikkoortortami Kakillarnani Børnehjemsvej 23-miittumi meeqqat sisamat najugaqartut arfineq pingasuniit 15-inik ukiullit. Ulluunerani tamarmik atuartarput atuareeraangamillu angerlartarlutik. Najugaqartut peqataaffigisartakkaminnik sammisassanik pilersaarusiunneqartarput, angerlarsimaffimmi aamma pisussaaffeqartinneqarlutik, tassunga ilaallutik nerisassiorneq, puugutalersorneq kiisalu iniminni torersaaneq eqqiaanerlu. Innartarfii sapaatip akunnerini ullut tamaasa aalajangersimasuutinneqarnissaat pingartinneqarpoq, kiisalu ullormut pisartut aalajangersimasuunissaat sulisunit ineqartuniillu malinneqartussat, ineqartut klubbini, inuusuttut ornittagaanni timersoqatigiiffinniluunniit peqataaffeqartarput.

Kakillarnani meeqqanik inuuissiortoqaraangat/ apersortittoqaraangat kaffillertitsisoqartarpoq. Nalliuttuni juulli/poorski ullullu allat nalleraangata angerlarsimaffik Kakillarnani nalliussineqartarput.

Kakillarnat aalajangersimasumik arfinilinnik - arfineq marlunnik sulisoqarpoq, pingasuniillu vikareqarluni.

Taakkualu sulisarnerat imaappoq:

Immikkoortortaqqarfinni aqutsisoq ataasinngornermiit tallimangorneq ilanngullugu nal: 08:00 – 16:00

Ullaakkoorneq nal. 7.00 -15.00

Unnukkoorneq nal. 13.00 – 21.00

Unnuarsiorneq nal. 14.00 – 24.00 / 00.00 – 9.30

Najugaqartut ilisimassavaat kina unnuarsiortuunersoq, taamaattumik unnuarsiortup ullormut pilersaarutit sulisunut tamanut najugaqartunullu paasissutissiissutigisassavai.

Kommunip pilersaarusionerfiginera

Kommunimi pilersaarusionerfiusoq immikkoortup ilaa 1A7 - Inissiaqarfik Naalakkap Qaqqaa, tassani Børnehjemsvej 21, B-935-mi inissisimasumik ataatsimik ulloq unnuarlu paaqqinniffeqarpoq. Ingerlatsivimmit nalilerneqarpoq, sumiiffimmi taassuma saniatigut ataatsimik paaqqinniffeqarnissamik akuersissuteqarneq inissiaqarfimmut ajornerulersitsissutaanaviangitsoq. Sumiiffimmi ulloq unnuarlu paaqqinniffeqarfiit nalaannik illoqarfiup assitaa ilanngussaq 1-mi takuuk.

Eqqaamiunik tusarniaaneq

Ingerlatsivik piffissami maajip ulluisa 7-ianniit 2024 maajip ulluisa 25-annut 2024 eqqaamiunik tusarniaavoq, eqqaamiuusullu kalluarneqarsinnaasut tusarniummut akissuteqarnissamut periarfissaqartinneqareerlutik (ilanngussaq 2 takuuk). Tusarniaaffigineqartuniit akissutinik tigusaqartoqanngilaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmit nalilerneqarpoq, ulloq unnuarlu paaqqinnittarfimmi atuineramik allanngiueq aningaasaqarnikkut sulisoqarnikkullu sunniuteqartitsinaviangitsoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusionerq aamma nunaminertat atornerqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Illoqarfimmik Ineriartortitsinermut Sanaartornermullu Ataatsimiititaq, 02.09.24:

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

1. inissiap atornerqarnerata ulloq unnuarlu angerlarsimaffittut allanngortinneqarnissaanik qinnuteqaat akuersissutigineqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Inassuteqaat akuersissutigineqarpoq.

Siusinnerusukkat aalajangiinerit

Aningaasaqarnermut Inuussutissarsiornermullu Ataatsimiititaq, 24.09.24:

Ilisimatitsissut tusaatissatut tiguneqarpoq.

Ilanngussaq

1. Ulloq unnuarlu paaqqinnittarfimmik nalunaarsuineq
2. Nuummi B-1752-ip atornerqarneranik allannguinnissamik qinnuteqaammut atatillugu eqqaamiunik tusarniaaneq

Punkt 2: Piffissami killilimmi immikkoortup ilaani 3D7 saunagusimut aamma spamut nunaminertamik atugassiissut, Nuuk

Beslutning

Ilisimatitsissut tusaatissatut tiguneqarpoq, imatut ilassuteqaatitalerlugu: Saunagusimut aamma spamut tunngatillugu Ingerlatsivik piaartumik inissisimaffissamik naleqquttumik innersuussissasoq kissaatigineqarpoq.

Bilag

Tusarniaanermut akissuteqaatinik tiguneqartunik suliarinnineq

Tusarniaanermi akissutit tiguneqartut

Piffissami killilimmi nunaminertamik atugassiineq



Piffissami killilimmi immikkoortup ilaani 3D7 saunagusimut aamma spamut nunaminertamik atugassiissut, Nuuk

Ilisimatitsissut

SagsID.: BOG-2022-01952-007

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Ingerlatsivik ulloq 3. aggusti 2023 sukisaarsaartarfinni illut mikinerusut sukisaarsaartarfimmik atuinnermut tapertaasinnaasut akuerineqarnissaat tunngavilersuutigalugu saunamik inissiinnissamut piffissamik killiligaasumik nunaminertamik atugassiivoq. Nunaminertamik atuinissamik akuersissut 4. juuli 2025 atorunnaassaaq aamma Ingerlatsivimmit nunaminertamik atuinissamik akuersissutip sivitsornissaa ammaffigineqarpoq. Ingerlatsivimmit piffissamik killiligaasumik nunaminertamik atugassiineq aallartisartunut nutaaliortunullu tapertaasinnaasooq pingaartinneqarportaaq, saniatigullu akuersissut akornutaappat imaluunniit niuernermit periuseq piginnittussaataasumut akilersinnaangippat atorunnaartussaalluni.

Eqqaamiut naammagittaalliornerat pissutigalugu Namminersorlutik Oqartussani Nuna Tamakkerlugu Pilersaarusiortarnermut Immikkoortortaqaarfik nunaminertamik atugassiineq pillugu tusarniaasoqarnissaa pillugu aalajangerpoq. Ingerlatsivik suliaq pillugu ulloq 6. maaji 2024-mut killilimmik illuatungerisatut tamanut tusarniaavoq, piffissamilu tusarniaanermi akissutit aqqanillit pissarsiarineqarput, taakkunani suliamut tapersiilluni atsiornernik katersititsineq ataaseq. Taanna katillugit inunnit 365-init atsiorneqarpoq, taakkunani 239-t Nuummi najugaqarlutik. Tusarniaanermi akissutini sinneruttunit qulinit pingaarnertut saunap ingerlanneqarnerani, tassaanagerusut putsumik pujorfigititarneq tipeqartarneralu, akornutaasartut nassuiaatigineqarput. Ilanngussaaq 1 takuuk

Eqqaamiunut akornutaaneranut allaaserineqartut tunngavigalugit ingerlatsivimmit nunaminertamik atuinissamut piginnittoq suliniutissanik tulliuuttunik oqaloqatigineqassasoq innersuussutigineqarpoq

1. Immikkoortumi putsumik akornusersuisarneq unitsinneqassasoq
2. Allatigut avinngarusimanerusumi inissiiffissarsiortoqassasoq

Ingerlatsivimmit aningaasatigut sulisoqarnikkullu naliliinerit

Suliamik suliarinnineq, naammagittaalliut aammalu eqqaamiorisanut tusarniaaneq ilanngullugit ukioq tamaat sulisut sulinerannik sullissisut aamma aqutsisut agguarlugit 1/6-mik naleqartut nalilerneqarpoq.

Suliffeqarfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaaq allakkallu tunngaviusumik uppersaatiillit

- Pilersaarusiorneq aamma nunaminertat atorneqartarnerat pillugit Inatsisartut inatsissaannik nalunaarutaat nr. 4, 25. januaari 2024-meersoq
- Kommunimut pilersaarut digitaliusoq www.kp.sermersooq.gl



Siusinnerusukkut aalajangiinerit

Illoqarfimmik Ineriartortitsinermit Sanaartorermullu Ataatsimiititaq, 02.09.24:

Sanarfinermut Avatangiisinullu Ingerlatsivimmit Illoqarfimmik Ineriartortitsinermit

Sanaartorermullu Ataatsimiititamut inassuteqaatigineqarpoq:

1. akuersissutip atorunnaarnissaata tungaanut saunagus maanna inissisimaffimminiiginnarnissaa akuerineqassasoq, putsumilli akornusiisarneq pillugu oqaloqatiginnittoqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Inassuteqaat itigartitsissutigineqarpoq, ima oqaaseqaatitalerlugu: Ingerlatsivimmit piginnittoq putsumik akornusersuineq piaarnerpaamik annikillisinneqarnissaa pillugu qanimut oqaloqatigineqassaaq, aamma allamut inissinneqarnissaa pillugu oqaloqatigineqassalluni. Ataatsimiititamit kissaatigineqarpoq, inissiiffissat kingorna ataatsimiititamut saqqummiunneqarnissaat.

Aningaasaqarnermut Inuussutissarsiornermullu Ataatsimiititaq, 24.09.24:

Ilisimatitsissut tusaatissatut tiguneqarpoq, imatut ilassuteqaatitalerlugu: Saunagusimut aamma spamut tunngatillugu Ingerlatsivik piaartumik inissisimaffissamik naleqquttumik innersuussissasoq kissaatigineqarpoq.

Ilanngussat

1. Tusarniaanermut akissuteqaatinik tiguneqartunik suliarinninneq
2. Tusarniaanermi akissutit tiguneqartut
3. Piffissami killilimmi nunaminertamik atugassiineq

Punkt 3: Angallannermut pilersaarut aqut Qinngorput – Nuuk

Beslutning

Ilisimatitsissut tusaatissatut tiguneqarpoq.

Bilag

Aqquserngit pillugit iliuusissatut pilersaarusiaq

Suliniutit nunap assiliorneqarnerat

Nuummi angallannerup qaartiterneqarnera

Aqquserngup nalunaarsorneqarnera 2023

Aqqusinertigut misissuineq 2022

Angallanermut pilersaarut aqut Qinngorput – Nuuk

Ilisimatitsissut

Suliap ilisarnaataa: EMN-2024-02704

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuusutissarsiornermullu Ataatsimiitap Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Sanarfinermut Avatangiisinullu Ingerlatsiviup matumuuna Qinngutta Nuullu akornanni aqut pillugu angallanermi iliuusissatut pilersaarut saqqummiuppa. Pilersaarut suliniutinik politikikkut akuerineqarnikunik imaqarpoq, angalanissamat annikinnerulersitsisinnaasumik aamma Qinngutta Nuullu akornanni angallanermi isumannaallisaanermik pitsanngortitsisinnaasumik.

Nuup Qinnguttalu akornanni angallanneq 2021-miit 2023-mut 10%-imik annertusivoq. Qinngutsinni inuusutissarsiorfinnik inissianillu sanaartornerit aamma Qeqertami inuusutissarsiornerup ineriartornera malitsigitillugit biilit angallattartut suli amerleqqinnissaat naatsorsuutigineqarpoq. Takuuk ilanngussa 4.

Iliuussissanut pilersaarut

Angallanermut iliuusissatut pilersaarutip sanaartornermi suliniutit allattorsimasut imarivai taakkunungalul suliniutit misissuiffigineqarnerannut atallutik. Suliniutit angalanissamat naatsorsuutigisatut sunniutaasut aamma Nuup Qinnguttalu akornanni angallanermut isumannaallisaaneq malillugit kingornatigut pingaarnersiorneqarput. Misissuinermit ilanngussa 2 takuuk.

400-rtalimmi majuartarfiit aamma Eqalugalinnuani aqquuserngit paarlaffiini qullit pillugit suliniutit aallartinneqareerput. Angallattunut kaajallattariaq biilnut angallattunut arriillisaatini annerpaajuvoq - ilanngussa 5.

Siunissamat isigisat

Sumiiffiit tikikkuminarnerulerpata biileqartut suli amerlinerunissaat naatsorsuutigineqarpoq. Taamaattumik pisortat angallassissutaannik atuisut pisuinnaallu atugaannik pitsanngorsaanissamat ataatsikkut siunnerfilimmik sulissutigineqarnissaa ingerlatsiviup siunnersuutigaa, tamanna aamma naatsorsuutigisatut pisuinnaat amerleriarnernik kinguneqassamat.

Suliniutini allattukkani amerlanersaat biilit illoqarfiup immikkoortuisa marluk akornanni piffissap ingerlanerani assartorneqarsinnaasut inuususerisinnaasaannik annertusiniarmata angalanermi piffissamat utaqqiisaasumik sunniuteqassaaq. Iliuussissatut pilersaarummit aqut aqqissuussinermi immikkoortutut isigineqarpoq. Aqqissuussinermi immikkoortumi suliat tamarmik attaveqaasersuutit sinnerinut kinguneqaateqassapput. Ingerlatsiviup innersuutigaa, Nuussuarmi sullorsuup allilernerneqarnissaa salliullugu pingaarnersiorneqassasoq, taamaalillugu pisuinnarnut isumannaatsumik angallaviunissaanut siumut tapersiiniassamat aamma lastillit bussillu ingerlaffigisinnaaniassammassuk. Ingerlatsiviup innersuutigaattaq, toqqaannarpallaanngitsumik suliniutinut, soorlu paasitsiniaaneriit, kaammattuineq, tamanik

angallassissutit pitsaannerusut, ataatsimut ingerlatsineq aamma biilnut angallattunut angallassinernut allanut aningaasaliisoqarnissaa. Ilanngussaq 4 takuuk.

Ingerlatsivimmit aningaasatigut sulisoqarnikkullu naliliinerit

Pilersaarutit attaveqarnermut sanaartorfissagissaanermullu aningaasaliissutit iluanni matussuserneqassapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Angallannermut politikki - Sermersooq
- Kommunimut pilersaarut digitaliusoq www.kp.sermersooq.gl
- ANGALLANNEQ PILLUGU PILERSAARUT, IMM. 1: Aqquserngit aamma aqqusineeqqat, Nuuk

Siusinnerusukkut aalajangiinerit

Illoqarfimmik Ineriartortitsinermut Sanaartormullu Ataatsimiititaq, 02.09.24:
Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq, 24.09.24:
Ilisimatitsissut tusaatissatut tiguneqarpoq.

Ilanngussaq

1. Aqquserngit pillugit iliuusissatut pilersaarusiaq
2. Suliniutit nunap assiliorneqarnerat
3. Nuummi angallannerup qaartiterneqarnera
4. Aqquserngup nalunaarsorneqarnera 2023
5. Aqquserngit misissuineq 2022

Punkt 4: Kommunip suliffeqarfittut ilisarnaataanik nittarsaassineq

Beslutning

Ilisimatitsissut tusaatissatut tiguneqarpoq.



Kommunip suliffeqarfittut ilisarnaataanik nittarsaassineq

Ilisimatitsissut

SagsID.: EMN-2024-03291

Suliffeqarfimmum Kiffartuussivik - vicekommunaldirektøri Marie Fleischer / MAFL

Inassuteqaat

Aningaasaqarnermut Inuusutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersooq inuusuttunut piginnaanilinnut kiisalu suliffissarsiorunut orniginarsaarussullunilu suliffimmik attassiinnartitserusuppoq. Inuusuttut aamma inersimasut attaveqatigiittarfinni soorlu Facebook aamma Instagram-itut ittuni piffissamik annertuumik atuisarput. Taamaattumik attaveqaatini taakkunani suliniuteqarneq suliffeqarfittut suliffimmillu misiliiffissatut orniginartutut isigineqarnissaa ukkatarineqassaaq. Kommuneqarfik Sermersuup suliffissatut aamma suliffimmik misiliiffissatut orniginartuunissaanut ilisarnaataanik patajaallisaaneq suliniummi siunertaavoq. Kommunimi suliat inuaqatigiinnut iluaqutaanerisa aamma qanoq sulisut pingaartinneqartiginersut takutinneqarnissaa kissaatigineqarpoq.

Periusissiami pineqarput imarisassaliorneq aamma attaveqaatitigut toqqaaneq, tassani Instagramimut aamma Facebookimut isiginnaagassianik naatsunik pimoorussisunillu videoliorneq pineqarluni. Imarisai isikkumikkut kusanartuullutillu ilumoortuussapput aamma kommunimi suliassaqaarfittut assigiinngitsut takutinneqassallutik. Sulisunit oqaluttuanik isumassarsiorfiusunik katersisoqassaaq aamma isiginnaagassiortoqassaaq naatsunik sulisut ulluinnartik, unammilligassatik aamma iluatsittut pillugit oqaluttuassallutik. Sulisut innuttaasut ulluinnaanni allangueqataasinnaanerat aamma suleriaatsinik atorfeqarnermilu periarfissat pillugit ammasuuneramik pilersitsineq ersersinniarneqarpoq. Tamatuma saniatigut Kommuneqarfik Sermersooq Nunatsinni suliffissanik nittarsaassinermi aamma ilinniakkamik nittarsaassinermi peqataasarpoq, attaveqaatillu atorlugit Kommuneqarfik Sermersuup saqquminera suliallu nittarsaanneqartarlutik.

Aaqqissuussaaneremut Ineriartortitsineremullu Immikkoortorta qaluttuanik attuumassutilinnik nassaassaaq isiginnaagassiallu siulliit pilersissallugit. Immikkoortup tulliani Nuummi kiisalu Tasiilami isiginnaagassialiortoqassaaq kommunimilu attaveqaatini attaveqatigiiffinnilu saqqummiunneqassallutik. Tamatuma kingorna imarisaasa annertussusaat kajuminnarnerallu naliliiffigineqassapput aamma utertitsiffigineqarneq paasissutissallu tunngavigalugit periusissiaq naleqqussarneqassaaq.

Suliniutip iluatsinnera tunniusimanagerulerneremut aamma attaveqatigiiffinni amerlanernik malinnaasoqalernikkut, sullitanit aamma sulisunik pitsaasumik utertiffigineqarnikkut kiisalu kommunimi atorfinnut inuttaqanngitsunut qinnuteqaatit aamma suliffimmi misiliisusssat amerlinerisigut uuttoqassaaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.



Suliffeqarfimmut Kiffartuussivimmit aningaasatigut naliliineq
Pisariaqanngilaq

Inatsisitigut tunngavissaq allakkallu tunngaviusumik uppernarsaatillit

- 2024-mut missingersuutitut isumaqatigiissut

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 24.09.24:
Ilisimatitsissut tusaatissatut tiguneqarpoq.

Ilanngussat
Soqanngilaq.

Punkt 5: Nunaqarfimmi aqutsisut isumasioqatigiissinneqarnerat 2024

Beslutning

Ilisimatitsissut tusaatissatut tiguneqarpoq.

Bilag

Isumasioqatigiinnissap ingerlanissaanut pilersaarut

Isumasioqatigiinneq 2024 pillugu nalunaarusiaq

Nunaqarfimmi aqutsisut isumasioqatigiissinneqarnerat 2024

Ilisimatitsissut

SagID.: EMN-2024-03270

Suliffeqarfimmut Kiffartuussivik - pisortaaneq Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Inoqarfinnut minnernut isumasioqatigiisitsineq 2024-mi juunip ulluisa aappaanni pingajuannilu ingerlanneqarpoq, qulequtaralugu "Inuuneq pitsaasoq ataatsimoorullugu - Oqaasiinnarmiit timitaliinnermut", kommunimi sulisut nunaqarfinnilu aqutsisut akornanni suleqatigiinneq pitsanngorsarneqarnissaa kiisalu nunaqarfinni innuttaasut suliniuteqarnissaannut isumassarsiortinneqarnissaat siunertaalluni.

Inoqarfinnut minnernut ineriartortitsinissamik periusissiatut siunnersuut, politikikkut anguniakkat kiisalu najukkami suliniutissatut assersuutit peqataasunut saqqummiunneqarput. Taakku saniatigut ingerlatsiviit suliat ingerlatatik pillugit saqqummiussipput aamma Namminersorlutik Oqartussat inoqarfinni mikinerusuni pisortat tamanut ataatsimoorussamik sullissiveqarnerannut ilusissatut isumassarsiaq saqqummiullugu. Isumasioqatigiinneq naggaserlugu nunaqarfinni aqutsisut kissaataannik eqqartueqatigiittoqarpoq kiisalu isumasioqatigiinnermik nalliliisoqarluni.

Eqikkarlugu taasaqassagaanni nunaqarfinni siuarsaasoqannginnera ernummatigineqarpoq. Oqaloqatiginninnerulernissaq akuutitsinerulernissarlu, aningaasanik atorluanaanissaq kiisalu nunaqarfinni ajornartorsiutaasut aaqqiivigineqarnissaanut iliuuseqartoqarnissamik nunaqarfinnut aqutsisunit ataatsimut isigalugu kissaatigineqarpoq. Isumasioqatigiinnermi innersuussutini pineqarpoq, kommunip, Namminersorlutik Oqartussat, nunaqarfiit nunaqarfinnilu aqutsisut akornanni suleqatigiinneq pitsaanerusoq. Politikikkut allaffissornermilu nutaatut suliniutaasut ataavartumik pitsanngorsaataanissaat neriutigineqarpoq.

Isumasioqatigiinnermi isumassarsioqatigiinneq ima qarluaraluartoq, soorlu kulturimut tunngasumik ima qartoq, nunaqarfinni aqutsisut piffissakippallaarlutik misigisimapput, politikikkut oqaloqatigiinneq sunniivigeqatigiinnermi piffissaq annikippallaartoq. Isumasioqatigiiffigisap aamma pingaaruteqarnera qaqinneqarpoq, siunnersuutigineqarlunilu pinngortitamut qanittumik avatangiiseqarluni siunissami isumasioqatigiinnissaq taamaalilluni peqataalluartutut misinnarnerusinnaaqullugu. Ataatsimiinnerit persuarsiorpallaannginnerat iluarisimaarneqarpoq, kaammattuutigineqarlunilu workshoppeqatigiinnernut pisortatiguunngitsumillu pilersaarutit avataanni oqaloqatigiinnernut piffissaqarnerorusullutik. Ataatsimut isigalugu anguniakkat tamakkerlugit anguneqarnissaannut ullut marluk sivikippallaartoq oqaatigineqarpoq.

Ingerlatsivimmit aningaasatigut sulisoqarnikkullu naliliinerit

Suliffeqarfimmut Kiffartuussivimmit nalilerneqarpoq, nunaqarfinni killiffiit suliniutillu ingerlasut imminnut naapertuuttuusut, politikikkut allaffissornermullu tunngasut eqqarsaatigalugit.

Aallartisaasoqareerpoq, soorlu 2024-miit 2028-mut inoqarfiit mikinerit pillugit ineriartortitsinissamut periusissatut siunnersuut, Inoqarfinni mikinerusuni pisortat tamanut ataatsimoorussamik sullissiveqarnerannut ilusissaq, nunaqarfinnut tunngasuni missingersuusioriaaseq nutaaq kiisalu siammarterinissamut pilersaarut. Taakku saniatigut politikikkut ataatsimiititamik

pilersitsisoqarnikuvoq, inoqarfinnut avatangiisinullu ataatsimiititaq. Nunaqarfinni suliassanut tunngasut suliniutit tamarmik annertusarneqarnissaannik pisariillisarneqarnissaannillu siunertaqarfigineqarput.

Suliffeqarfimmut Kiffartuussivimmit aningaasatigut naliliineq

Siuliiniittoq takujuk.

Inatsisitigut tunngavissaq allakkallu tunngaviusumik uppernarsaatillit

- 2024-mut Missingersuutitut isumaqatigiissut

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 24.09.24:

Ilisimatitsissut tusaatissatut tiguneqarpoq.

Ilanngussat

1. Isumasioqatigiinnissap ingerlanissaanut pilersaarut
2. Isumasioqatigiinneq 2024 pillugu nalunaarussiaq

Punkt 6: Suliassanik siammarterineq aamma aaqqissuussaannermi iluarsartuussinerit

Beslutning

Ilisimatitsissut tusaatissatut tiguneqarpoq.

Bilag

Suliassanik siammarterineq aamma aaqqissuussaannermi iluarsartuussinerit



Suliassanik siammarterineq aamma aaqqissuussaannermi iluarsartuussinerit

Ilisimatitsissut

SagsID.: EMN-2024-03567

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Partiit missingersuusiordermi isumaqatigiissuteqartut 2024-mut missingersuutit pillugit isumaqatigiissuteqarnerminni isumaqatigiissutigaat, akisussaaffiit suliassallu illoqarfinnut Nuup avataaniittunut siammarterneqassasut. Matumani pisortaqtigiiit siammarterinissamik pilersaarutaat saqqummiunneqarpoq. Aaqqissuussaaneq tamarmi ataqtigiiummat, peqatigitillugu aaqqissuussaannerup sinnerani iluarsartuussisoqarpoq.

Tunumi nunap immikkoortuani chefimik ataatsimik aamma Paamiuni nunap immikkoortuani chefimik ataatsimik pilersitsisoqassaaq. Taamaaliornikkut najukkani akisussaaffiit annertusineqassapput, suliassat kittaartumik aqutsisunut sumiiffinniittunut nuutinneqartarlutik, siullermi suliassat ingerlatsinerimut tunngasut ukkataralugit. Nunaqarfinni suliassat aamma nunap immikkoortuani chefinut nuutinneqassapput taamaaliornikkut najukkami aalajangiisinnaassuseqarnerulerneq atuutilissamat aammalu nunaqarfimmi aqutsisut suliassanik aaqqiissuteqarnissami peqataanerulersinneqarlutik.

Nunap immikkoortuani chefit nunaqarfiit ingerlanneqarnerinut akisussaalissapput, tamatumunnga ilanngullugu aserfallatsaaliinerit aammalu illunik iluarsartuussinerit. Tamatuma saniatigut nunap immikkoortuani chefit tamarmik ingerlatsinerimut chefitut atuutissapput aammalu kulturilerinerimut susassaqtitsinerimullu aammalu innuttaasunik kiffartuussivimmi immikkoortortami aqutsisuussallutik. Suliassat iluarsartuussinerimut aserfallatsaaliinerimullu tunngasut aamma Materialegården ingerlatsinerimut chefit akisussaaffianiissapput. Ingerlatsinerimut chefit akisussaaffeqarfia ingerlatsiveqarfimmi sulisunit ikiorteqassaaq, Materialegårdenimi aqutsisup saniatigut.

Siammarterinerup arlalinggortinnissaa erseqqissumik siunnersuutigineqarpoq. Tamatumunnga ilanngullugu suut tulluurtuunersut siulliullugit. Kulturi aamma susassaqtitsineq siammarterneqareerput. Siunnersuummi matumani saqqummiunneqarpoq, ingerlatsinerimut tunngasut ullumikkut ingerlanneqarnerat tamakkiisuunngitsut aammalu suliassaqarfimik pilertortumik tigusiffiusinnaasut. Tamakkua ataanini nunap immikkoortuani chefit namminneq missingersuuteqassapput suliniutillu suliarinissaannut sulisunik aaqqissuusaanermik ingerlataqassallutik.

Akisussaaffinnik Paamiuni, Tasiilami aamma nunaqarfinnut siammarterinerup saniatigut, aaqqissuussaannerup sinnerani iluarsartuussisoqarpoq. Suliffeqarfimmut Kiffartuussivik tassunga atatillugu allatut taaguuteqalerpoq Suliffeqarfiup iluani Kiffartuussivik Intern Service.



Ingerlatsivimmit aningaasatigut sulisoqarnikkullu naliliinerit

Ingerlatsinermi pisortanik marlunnik atorfinitsitsisoqassaaq, Tasiilami ataaseq aammalu Paamiuni ataaseq. Tamatuma saniatigut illoqarfinni taaneqartuni stabimi sulisumik ataatsimik atorfinitsitsisoqassaaq. Suliniutit allat missingersuutineereerput. Siammarterinermut atatillugu kontut sorliit nuutinneqassanersut pillugit nassuiaatitalinnik oqaasertaliinissaq suliassaavoq annertoq. Tamanna sapinngisamik sukkasuumik ingerlanneqassaaq, pilersaarut pisortaqtigiinni septembarip ulluisa 24-anni inaarutaasumik aalajangiiffineqassaaq.

Sanaartornermut chefip akisussaaffia annertuumik allannguuteqassaaq, tassami PPV aamma aserfallatsaaliinermit suliassat Sanarfinermut Avatangiisinullu Ingerlatsivimmiit Suliffeqarfiup iluani Kiffartuussivimmut nuutinneqassammata. Tamatuma kingunerisaanik sanaartornermi chefitut atorfik atorunnaarsinneqassaaq, chefinut isumaqatigiissut naapertorlugu akissarsiat ilanngullugit. Sanaartornermut immikkoortorta qaaqissuuteqqinneqassaaq pilersaarusiornermut immikkoortortanngorlugu, aammalu pilersaarusiornermut chefimik atorfinitsitsisoqarnissaanik qanittumik qinnuteqaateqartoqarumaarpoq, suliassat nutaat politikikkut naammasseqquneqartut suliarineqarniassammata.

Suliffeqarfimmut Kiffartuussivimmit aningaasatigut naliliineq

Oqaaseqaatitaqanngilaq, allannguutit sinaakkutissat pioreersut iluanni ingerlanneqarsinnaanerit naatsorsuutigineqarmat.

Inatsisitigut tunngavissaq allakkallu tunngaviusumik uppersaatillit

- 2024-mut missingersuutinut isumaqatigiissut

Siusinnerusukku aalajangiinerit

Aningaasaqarnermut Inuussutissarsiornermullu Ataatsimiititaq, 24.09.24:

Ilisimatitsissut tusaatissatut tiguneqarpoq.

Ilanngussat

1. Aaqqissuussaannerup 01.10.2024 aallarnerfigalugu isikkussaa pillugu nassuiaat

Punkt 7: Illoqarfimmik Ineriartortitsinermut Sanaartornermullu Ataatsimiititap angalanera pillugu nalunaarussiaq

Beslutning

Ilisimatitsissut tusaatissatut tiguneqarpoq, imatut ilassuteqaatitalerlugu: angalareernerup kingorna ataatsimiititap pingaarnersuisarnissaa aamma nalilersuisarnissaa kissaatigineqarpoq.

Bilag

Angalaneq pillugu nalunaarussiaq

Illoqarfimmik Ineriartortitsinermt Sanaartornermullu Ataatsimiititap angalanera pillugu nalunaarussiaq

Tromsø, novembari 2023

Ilisimatitsissut

SagsID: EMN-2024-00966

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Aningaasaqarnermt Inuussutissarsiornermullu Ataatsimiititami Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Illoqarfimmik Ineriartortitsinermt Sanaartornermullu Ataatsimiititap ulluni 10. - 17. novembari 2023-mi Tromsømut, Norgemut angalavoq.

Ataatsimiititap angalanerani Tromsømi kommunip ingerlatsinermt illoqarfimmilu pilersaarusiornermut suliaqartarneranik paasisaqarnissaq kiisalu pineqartut pillugit ataatsimiititap siunissami sulineranut isumassarsiornissaq siunertaavoq.

Illoqarfimmik Ineriartortitsinermt Sanaartornermullu Ataatsimiititami peqataapput Justus Hansen (siulittaasoq), Uju Petersen (ilaasortaq), Naya Pedersen Lyberth (ilaasortaq), Lone Rosengreen Pedersen (ilaasortaq) Storm Ludvigsen (ilaasortaq) aamma Dines Mikaelson (siusinnerusukkut Sanarfinermut Avatangiisinullu Ataatsimiititaasimasumi ilaasortaq).

Allaffeqarfimmittaaq peqataapput Søren Pedersen (Sanarfinermut Avatangiisinullu Ingerlatsivimmi pisortaq), Runa Sværd (Pilersaarusiornermut Oqartussaaffeqarfimmilu pisortaq), Anna Rún Ólafsdóttir (ataatsimiititami ataqatigiissaarisartaq).

Illoqarfimmik Ineriartortitsinermt Sanaartornermullu Ataatsimiititap angalanermit ilikkakkatik paasisatillu ataatsimiititami suleraqqinnerminni atussavaat.

Ingerlatsivimmit aningaasatigut sulisoqarnikkullu naliliinerit

2023-mi ataatsimiititap angalanissaannut katillugit 950.000 koruunit immikkoortinneqarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Ataatsimiititap angalarnerisa aqqissugaanerit, Kommunalbestyrelsip aalajangiinera 12. marsi 2024

Siusinnerusukkut aalajangiinerit

Illoqarfimmik Ineriartortitsinermt Sanaartornermullu Ataatsimiititap, 02.09.24:

Inassuteqaat akuersissutigineqarpoq.

Aningaasaqarnermt Inuussutissarsiornermullu Ataatsimiititap 24.09.24:

Inassuteqaat akuersissutigineqarpoq.

Ilanngussat

1. Angalaneq pillugu nalunaarussiaq

Punkt 8: Immikkoortumut pilersaarutit pillugit nalunaarutissap tusarniutigineqarneranut akissummik ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Immikkoortumut pilersaarutit pillugit nalunaarut

Immikkoortumut pilersaarutit pillugit nalunaarutissatut siunnersuutip tusarniutigineqarneranut akissuteqaat



Immikkoortumut pilersaarutit pillugit nalunaarutissap tusarniutigineqarneranut akissummik ilisimatitsissut

Ilisimatitsissut

SagsID.: EMN-2024-01879

Suliffeqarfimmu Kiffartuussivik – kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsionermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Kommunit ingerlatsiviisa taakkulu allaffeqarfiisa immikkoortumut pilersaarutit pillugit nalunaarutissaq ataatsimoorlutik eqqartorpaat. Taamaattumik Kommune Kujalleq, Kommune Qeqertalik, Avannaata Kommunian aamma Kommuneqarfik Sermersooq immikkoortumut pilersaarutit pillugit nalunaarutissaq pillugu siunnersuutip tusarniutigineqarneranut ataatsimoorussamik akissuteqaasiorput. Qeqqata immikkut immikkoortumik tusarniummut akissuteqaasiorpoq, immikkoortunik ilassusiilluni.

Sammiviit pingaarnert

Kommunit allaffeqarfiinit nunami taamatullu kommunini pilersaarusionermi ataqatigiissaarinerup, assigiissaarinerup tulleriisaarinerullu ersarinnerunissaa kissaatigineqarpoq.

Aamma sumiiffimmi nukissat suliassanut aalajangersimasunut naleqqussarneqarnissaat pisariaqartutut kommuninit isigineqarpoq.

Ajoraluartumilli siunnersuut malillugu kommuunikkaartumik sukumiisumik pilersaarusionnaaneq periarfissaajunnaartinneqassaaq sulisullu pigineqartut pitsaanerpaamik atorneqaratik. Kommunit assigiinngitsunik aaqqissugaapput, aamma immikkoortumut pilersaarutit taaneqartut kommuninit aaqqissugaanerannik takutitsisuunngillat. Immikkoortumut pilersaarutip sorliup sularineqarnissaanut tunngaviit aalajangersimasut aalajangersarneqarnerisigut immikkut eqqarsarneq aamma suliata assigiinngitsut aqqusaarlugit qulequtakuutaartut, soorlu digitalinngorsaaneq, qimakkiartulernissaat aarlerinartoqarnerulissaaq.

Taamaattumik nalilerneqarpoq, nalunaarut kommunit periusissionernik, politikkinik pilersaarusionernillu suliagarnerinut pitsaanerpaamik tapersiisuunngitsooq. Matumani ilitsersuusianik aamma kisitsisit atorlugit nalunaarussianik suliagarartoqartarnissaa orniginartinneqarneruvoq, ataqatigiinnernik paasiuminaassinnaasut ataqatigiinnerinik ataatsimoorumik paasisitsisinnasut. Aammattaaq nunamut immikkoortumut pilersaarusionortoqarneratigut nunami ineriartortinneqarsinnaasunik anguniakkat malinnaaffigineqarnerinut atorneqarsinnaasunik ersiutaasut suut kommunit ataatsimut paaseqatiginnissutiginnissaat pillugu akuutitsisumik suleqatiginnittoqarnissaa kissaatigineqarpoq.

Ingerlatsivimmit aningaasatigut sulisoqarnikkullu naliliinerit

Kommunit allaffeqarfiinit nalilerneqarpoq, immikkoortumut pilersaarummik suliagarneq ukiumut inuit arlallit sulisinneqarnissaannik pisariaqartitsiffiussasoq, tamannalu kommunit pingaarnertut suliassaannut pisariaqanngitsumik tatisinermik kinguneqassasoq.

Suliffeqarfimmu Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatiit

- Namminersorlutik Oqartussat tusarniaanernut maleruagassaat 28. aprili 2023-meersut

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 24.09.24:

Ilisimatitsissut tusaatissatut tiguneqarpoq.

Ilanngussat

1. Immikkoortumut pilersaarutit pillugit nalunaarut
2. Immikkoortumut pilersaarutit pillugit nalunaarutissatut siunnersuutip tusarniutigineqarneranut akissuteqaat

Punkt 9: Utoqqarnut tapersersuinissaq pillugu Inatsisartut inatsisissaattut siunnersuutip tusarniaassutigineqarnerani akissuteqaat pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Utoqqarnut tapersersuinissaq pillugu Inatsisartut inatsisissaattut siunnersuummut tusarniaanermi akissuteqaat

Utoqqaat pillugit Siunnersuisooqatigiinnit tusarniaanermi akissut



Utoqqarnut tapersuinissaq pillugu Inatsisartut inatsisissaattut siunnersuutip tusarniaassutigineqarnerani akissuteqaat pillugu ilisimatitsissut

Ilisimatitsissut

SagsID.: EMN-2024-02954

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Utoqqarnut tapersuinissaq pillugu Inatsisartut inatsisissaattut siunnersuutip tusarniaassutigineqarnerani Kommuneqarfik Sermersuumiit 19. agusti 2024-mi tusarniaanermut akissuteqartoqarpoq. Suliffeqarnermut Isumaginninnermullu Ingerlatsivik tusarniaassummut akissuteqaasiorpoq Utoqqaallu pillugit siunnersuisooqatigiit siulittaasuat tusarniaanermut akissuteqartillugu. Inuit innarluutillit pillugit Siunnersuisooqatigiit tusarniaanermi paasissutissanik nassinneqarput, tusarniaanermulli akissuteqaasiornissamut periarfissaqarsimanatik.

Inatsisissatut siunnersuummi siunertarineqartoq ingerlatsivimmit tunngaviatigut paatsuunganartinneqarpoq. Tamatuma peqatigisaanik inunnut innarluutilinnut inatsisissatut siunnersuut nutaaq tusarniaassutigineqarpoq, tassanilu innuttaasut utoqqaat peqataatinneqarput assingusumillu tapersorsorneqarnissamut periarfissaqassallutik. Ingerlatsivimmiit naliliineq naapertorlugu immikkoortut utoqqarnut suliassaqarfimmuut tunngasut, soorlu utoqqarnut politikki aamma utoqqaat pillugit siunnersuisooqatigiit inuit innarluutillit tapersorsorneqarnissaannut inatsimmi aalajangersakkatut ataasiakkaatut ilanngunneqarsinnaapput, inatsit immikkut assingusumullu pinnani.

Tusarniaanerup ingerlanneqarnera ingerlatsivimmiit tusarniaassummut akissuteqarnermi isornartorsiorneqarpoq, ilaatigut siunnersuut aasaanerani sulinngiffeqarfiunerani aamma sapaatip akunnerinut sisamaannarnut killilerlugu tusarniaassutigineqarmat. Saniatigut inatsisissatut siunnersuutip aningaasatigut allaffissornikkullu kingunerisassai pillugit allaaserinnineq amigaaqarpoq. Aningaasatigut kingunerisassai ilaatinneqartinnagit inatsisissatut imaluunniit nalunaarutissatut siunnersuutit kommuninit isummerfigineqarnissaat naapertuutinnilaq. Suliassat aningaasaqarnerullu ataqatigiinnerisa isummerfiginissaannut aningaasatigut kingunerisassai aalajangiisuulluinnartarput.

Ataani kommunip tusarniaanermut akissutai allannguutillu pingaarnerit, taakkua kommunimit suliassanik naammassinninnissamut pingaaruteqarumaartut pillugit, naatsumik nassuiaatigineqarput.

Sullissineq

Inatsisissatut siunnersuummi kiffartuussissutit nutaat kiisalu sullissinermi piumasaqaatit saqqummiunneqarput, soorlu sullissineq piffissaliunneqartarnissaanut aalajangersaasoqartoq. Sullissinerup piffissaliunneqartarnissaa kommunalbestyrelsinut aalajangersarneqassasoq ingerlatsivimmiit siunnersuutigineqarpoq. Siunnersuutip kingunerisaanik aalajangersakkat assingusut arlallit takussaalisapput, ilaatigut inuit innarluutillit tapersorsorneqarnissaannut inatsit aamma utoqqarnut



tapersuivissaq pillugu inatsit malillugit sullissisoqartassalluni. Suliniutit taakkua aningaasatigut kingunerisassai naatsorsorneqarsimangillat.

Utoqqarnut inissiat aamma utoqqaat najugaqatigiiffii

Inatsisissatut siunnersuummi utoqqarnut ulluklut ikorfartorneqarlutik namminneq angerlarsimaffimminni nammineersinnaasunut utoqqarnut inissiat aamma utoqqaat najugaqatigiiffii saqqummiunneqarput. Sullinniakkat ullumikkut inissianut utoqqarnut inunnullu innarluutilinnut naleqqussagaasunut innersuunneqartartunut sanilliullugit amerlanerupput ingerlalluarnertullu. Inissiat amerlanerujussuit, matumani inissiat ataatsimut sammisassaqtitsiffillit (utoqqaat najugaqatigiiffii) pisariaqartinneqassasut ingerlatsivimmiit naatsorsuutigineqarpoq. Siunnersuummi inissiat sanaartornissaannut imaluunniit ingerlanneqarnissaannut taamatuttaaq sullissinerulernissamut aningaasanik immikkoortitsisoqanngilaq. Siunnersuummi inissiat namminersortunit pigineqarsinnaasut utoqqarnullu inissiatut imaluunniit utoqqaat najugaqatigiiffiisut attartortinneqarsinnaasut periarfissaatinneqarpoq. Siunnersuummi utoqqaat soraarnerussutisiallit niuernikkut aalajangikkamik inimut akiliuteqarsinnaanerat isummerfigineqanngilaq. Siunnersuummittaqq kommunini arlalinni inoqarfinni minnerusuni utoqqaat najugaqatigiiffiinik pioreersunik ingerlatsineq isummerfigineqarsimangilaq. Kommunip Qeqertarsuatsiaani aamma Ittoqqortoormiini utoqqaat najugaqatigiiffii inatsisissatut siunnersuummi ilanngunneqanngillat. Kommunimit utoqqaat najugaqatigiiffii pioreersut utoqqarnut najugaqarfissatut neqeroorutitut inatsisitigut ilaatinneqarnissaat kissaatigineqarsimavoq, aammalu "Utoqqaat ataatsimoorlutik ineqatigiiffiat"-tut taaguuteqartinneqarnissaat siunnersuutigineqarluni.

Puiguttortunut immikkoortortat

Inatsisissatut siunnersuut naapertorlugu utoqqarnik paaqqutarinnifinni puiguttortunut immikkoortortanik immikkut kommunit pilersitsissasut piumasarineqarpoq. Tamanna sanaartornissamut ingerlatsinissamullu aningaasartuutaanerunissaa akuersaarneqaraluartoq tusarniaanermi aningaasatigut missingiussisoqanngilaq. Ingerlatsivimmit Naalakkersuisut suliap naammassineqarnissaanut piviusunngortitsinissamut aaqqiussuussineq kommuninit sularineqarnissaanut piumasaqaateqarnerat ajornartorsiutitut isigineqarpoq. Inoqarfinni minnerusunipuiguttortunut immikkoortortanik pilersitsinissaq naleqqutinngitsooq Nuummili puiguttortunut paaqqutarinniffimmik pilersitsinissaq naleqquttuusoq ingerlatsivimmiit nalilerneqarpoq.

Inatsisissatut siunnersuut 2025-mi juulip ulluisa aallaqqaataanni atuutilissasoq naatsorsuutigineqarpoq. Ingerlatsivimmit piffissaliussaqq piviusorsioortuunngitsooq aamma kommuninut aningaasarpassuarnik malitseqartinnissaa pisariaqartinneqartoq nalilerneqarpoq.

Ingerlatsivimmit aningaasatigut sulisoqarnikkullu naliliinerit

Ingerlatsivimmiit tusarniaanermut akissuteqarnermi inatsisissatut siunnersuutip kingunerisassai naatsorsorneqarsimangitsut kiisalu missingiutitut ilanngunneqartut appasippallaartut uparuarneqarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersartaatillit

- Namminersorlutik Oqartussat tusarniaanernut maleruagassaat 28. aprili 2023-meersut
- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-meersoq
- Utoqqarnut tapersersuinissaq pillugu Inatsisartut inatsisissaatut siunnersuut xx.xx.xxxx-meersoq

Siusinnerusukkut aalajangiinerit

Suliffeqarnermut Isumaginninnermullu Ataatsimiititaq, 10.09.24:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq, 24.09.24:

Ilisimatitsissut tusaatissatut tiguneqarpoq.

Ilanngussat

1. Utoqqarnut tapersersuinissaq pillugu Inatsisartut inatsisissaattut siunnersuummut tusarniaanermi akissuteqaat
2. Utoqqaat pillugit Siunnersuisooqatigiinnit tusarniaanermi akissut

Punkt 10: Inuit innarluutillit tapersorneqarnissaat pillugu Inatsisartut inatsisissaattut siunnersuutip ilassutitut tusarniaassutigineqarnerani akissuteqaat pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Inuit innarluutillit tapersorneqarnissaannut Inatsisartut inatsisaannut ilassutitut tusarniaanermi akissuteqaat

Inatsisissatut siunnersuutip aningaasaqarnermut kingunerisassaanut takussutissaq



Inuit innarluutillit tapersorneqarnissaat pillugu Inatsisartut inatsisissaattut siunnersuutip ilassutitut tusarniaassutigineqarnerani akissuteqaat pillugu ilisimatitsissut

Ilisimatitsissut

SagsID.: EMN-2024-01964

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Innersuussut

Aningaasaqarnermut Inuussutissarsionermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersooq ulloq 28. maaji 2024 Inuit innarluutillit tapersorneqarnissaat pillugu Inatsisartut inatsisaata allannguuteqartinnissaa pillugu siunnersuutip tusarniaassutigineqarnerani akissuteqaateqarpoq. Inatsisissatut siunnersuut tamatuma kingorna tusarniaanermut akissutit tiguneqartut amerlassusaat pissutigalugit juulip ulluisa 30-anni ilassutitut tusarniaatitsisoqarpoq.

Illassutitut tusarniaassummut kommune septembarip ulluisa sisamaanni tusarniaassummut akissuteqarpoq. Suliffeqarnermut Isumaginninnermullu Ingerlatsivik tusarniaanermut akissuteqaasiorpoq, aammalu Meeqqanut Ilaqutariinnullu Ingerlatsivimmit, Meeqqanut Atuarfeqarnermullu Ingerlatsivimmit aammalu Sanarfinermut Avatangiisinullu ingerlatsivimmit oqaaseqaatit katersorlugit.

Siullertut ilassutitullu tusarniaanerniit tusarniaanermi paasissutissat kommunillu tusarniaanermi akissutaa Naalakkersuisut tusarniaanermi nittartagaani takuneqarsinnaapput.

Inatsisissatut siunnersuut inuit innarluutillit pillugit suliassaqaarfimmi inatsisinik toqqammavinnik iluarsartuussineruvoq annertoogaammalu kommunip akisussaaffiisa suliassaasalu annertunerulernerinik nassataqarluni. Allaffeqarfirmmit naliliisoqarpoq, siunnersuummi aningaasatigut allaffissornikkullu kingunerisassaannut missiliutaasut ersarinngitsut amigartullu. Missiliutaasut Inatsisissatut siunnersuutip atuutilersinneqarnissaa ingerlatsinerullu ingerlaqqinnissaanut kommunimut annertuumik kinguneqaataasussanut naapertuutinngillat.

Inatsisissatut siunnersuut 1. juuli 2025-mi atuutilissasoq naatsorsuutigineqarpoq. Taamaattumik 2024-mi ataatsimoortumik tapiissutit isumaqatigiinniutigineqarnissaanut atatillugu aningaasanik amerlanerusunik kommuninut ilasisoqarnissaa pisariaqartinneqarpoq. Akuersissutigineqarnerata atuutilersinneqarnissaatalu akornanni piffissaq sivikippoq (ukiumik ataatsimik sivikinnerulluni), taamaattumik ataatsimoortumik tapiissutit isumaqatigiinniutissat kommunimilu missingersuutissat eqqortumik inissinniarneqarneri ajornakusuussallutik. Taamaattumik aningaasatigut kingunerisassai eqqarsaatigalugit inatsisip suliareqqaarnissaa pingaaruteqarluinnartuuvoq.

Kommunip tusarniaanermut akissutai ilanngussatut ilanngunneqarput, kommunimi Inuit innarluutillit pillugit siunnersuisooqatigiinnit aamma utoqqaat pillugit siunnersuisooqatigiinnit tusarniaanermut akissutaat maajimeersut ilanngullugit. Tulliuttuni kommunip tusarniaanermut akissutai allannguutillu pingaarnerit, taakkua kommunimit suliassanik naamassinninnissamut pingaaruteqarumaartut pillugit, naatsumik nassuiaatigineqarput.

Neqeroorutaagallartumik pilersitsineq ingerlatsinerlu

Inatsisissatut siunnersuummi kommunimit innuttaasunut innersuunneqartunut, aamma Isumaginninnermut Aqutsisoqarfiup ulloq unnuarlu neqeroorutaasa ilaannut utaqqisuusunut neqeroorutaagallartumik ingerlatsineq ilanngunneqarpoq. Allassimangilaq aaqqiigallarnerit qanoq sivisutigisumik atuutissanersut. Tamanna kommunimit ernumassutigineqarpoq, ulloq unnuarlu inissatigut neqeroorutini pisariaqartinneqartunik pilersitsinngitsoortoqarsinnaammat. Taamaattumik Kommuni siunnersuutigaa, utaqqisut allattorsimaffianniittut eqqarsaatigalugit ulloq unnuarlu neqeroorutini inissanik pilersitsisoqarnissaanut piffissalliisoqassasoq.

Neqeroorutaagallartut inatsisissatut siunnersuummi aningaasartuutaanerusussatut missingersuutini ilanngunneqanngillat. Sullinniakkanut ilaasut innuttaasut ulloq unnuarlu neqeroorummut innersuunneqartut, ajornakusoortunik unammilligassaqartarmata aamma ulloq unnuarlu sulisoqartarnissaanut pisariaqartitsillutik, millioninik arlalinnik qaavatigut ukiumut aningaasartuuteqartarnissamik kinguneqassaaq. Ulloq unnuarlu neqeroorutaasut amerlineqanngippata, taakkunungalu innutaasut pisariaqartitsisut amerlippata, kommunip aningaasartuutai aamma amerlanerulissapput. Kommunimit tassunga atasumik tikkuarneqarpoq, utaqqiisaasumik aaqqiissutaasartut aningaasartuuteqarfiunerusartut ulloq unnuarlu neqeroorutini pisariaqartinneqartunik amerlassusilinnik pilersitsinermit.

Isumaginninnermut Aqutsisoqarfiup neqeroorutaanut akigititanik aalajangiussinermi allannguutit

Ulloq unnuarlu neqeroorutini akigititat aalajangersarneqartarnerat pillugu Kommunit isumaqatigiinninniarnerni inaat inatsisissatut siunnersuummit peerneqarpoq. Akigititap allanngortinneqarnerata nassataanik qanoq annertutigisumik aningaasartuuteqarumaarnersoq nalileruminaappoq. Taamaattorli aningaasartuutit appassisumiitinnissaanut tunngavissat tammariartussapput, kommunit isumaqatigiinninniarnernit peqataasarunnaarpata. Kommune isumaqatigiinninniarnerni peqataasarnissaminik kissaateqarpoq.

Ulloq unnuarlu neqeroorummi isumannaallisakkami inissiisoqarsinnaaneranut atatillugu tigummigallagaqarnermut assingusumik inissaq

Inummik innarluutilimmik tigusarinninnerup atuutiinnarnissaa imaluunniit tigummisaanissaa pillugu eqqartuussivimmit aalajangerneqarsimatillugu kommunip tigummigallagaqarnermut assingusumik inissamik pissarsisarnissaa Inatsisissatut siunnersuummi ilanngunneqarpoq. Tassunga atasumik qaqugukkulluunniit isumannaallisaaneq eqqarsaatigalugu kommunimut sulisunut illersorneqarsinnaanngilaq, aamma pissaanermik atuinissamat kommunip piginnaatitaaneranut naapertuutinngilaq. Taamaattumik kommunip erseqqissaatigaa, suliassaq politiini imaluunniit isumaginninnermut aqutsisoqarfimmi inissisimasussaasoq, taakkua ulloq unnuarlu neqeroorutiniq matoqqasunik immikkut ilisimasaqarput misilittagaqarlutillu.

Inatsisitigut sullinniarneqartut amerlineqarnissaat

Inatsisissatut siunnersuummi erseqqissaatigineqarpoq, meeqqat inuusuttullu piginnaanikilersimasut aammalu utoqqaat ukioqqortussusaat pissutigalugu piginnaanikilersimasut inatsimmi ilaatinneqartut. Ilaatigut siusissumik suliniuteqarnissaq suliniuteqareernermilu malinnaaviginninneq pillugu paragrafit ilanngunneqarput. Sullinniakkat amerlineqarnerat aningaasartuutiniq annertusititsinerneq kinguneqassapput.

Inunnut innarluutilinnut tunngasut siammassissuunera aamma innarluuteqarnermik paasinnittaaseq inuiaqatigiinni pilersinneqartunik akimmiffigineqartuusoq inatsisini allassimanera Kommunimit iluarisimaarneqarpoq. Taamaattorli inatsimmut allamut qaleriinnerit erseqqissarnissaat amigaataavoq, soorlu utoqqaat pillugit inatsisissami atuutilersussami, matuma ataani innuttaasoq

inatsisini arlallit malillugit ikiorserneqarnissaanut pisinnaatitaagaangat inatsit alla qaqugu atuutilissanersoq pillugu.

IT-mik ataatsimoorussamik aqutsissut nutaaq

Inatsisinik aqutsinissamut ataatsimoortumik pisortat allaffissornikkut ingerlatsinerinut IT-mik aaqqissuussamik pilersitsisoqassaaq. Kommune isumaqarpoq, assigiimmik pisortat ataatsimoorussamik IT-mik aaqqissuussamik pisortat suliffeqarfiutaanni atuisoqalernissaa pitsaasuusoq. Taamaattoq pingaaruteqarpoq, IT-mik aaqqissuussamik nutaamik suliamik ingerlatsineq pitsaanerpaamik ingerlassasoq, taamaalilluni aaqqissuussaq suli naammassineqanngitsoq, misilerarneqanngitsoq aamma ilisaritinneqanngitsoq inatsit atuutsinneqaleqqunagu. Kommunimit ernummatigineqarpoq, pisortanit ikiorsiissutit aamma suliffissarsiornermi ikiorsiissutinut atasumik IT-mik aaqqissuussamik atulersitsinermi ingerlatsinertut ingerlatsinissaq unammillernartorsiorntigisinnaanera, inatsisit qangalili atuutilereersoq suli atorneqarsinnaanngippat.

Ingerlatsivimmit aningaasatigut sulisoqarnikkullu naliliinerit

Inatsimmi oqaaseqaatini aningaasartuuteqarnerunermut missingiunneqartut 2025-mi 6,3 mio. koruuniupput, taakkunangalu 3,8 mio. koruunit kommunip aningaasartuuteqarnerunissaanut immikkoortitaallutik. Tamatuma kingorna ukiunut tulliuuttunut kommunip aningaasartuuteqarnerunissaanut 7,8 mio. koruunit immikkoortinneqarput. Inatsimmi nutaami aalajangersakkat arlallit eqqarsaatigineqanngimmata missingiussat amigartutut allaffeqarfiup nalilerpaa (takuuk ilanngussaq). Tamatuma saniatigut kommunit akornanni suna tunngavigalugu agguataarisoqassasoq erseqqarluppoq.

Maannakkorpiaq aningaasartuutit qanoq annertutiginersut tamakkiisumik takuneqarsinnaanngillat. Allaffeqarfiup missingerpaa, kommunip aningaasartuuteqarnerunera oqaaseqaatini missingiunneqartunit marloriaatit missaanniissasut. Aningaasartuutaanerusut ataatsimoortumik tapiissutinut ilanngunneqarnissaat pisariaqartinneqarumaarpoq.

Suliffeqarfiimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- 28. aprili 2023-mi tusarniaanernut maleruagassat
- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq

Siusinnerusukkat aalajangiinerit

Suliffeqarnermut Isumaginninnermullu Ataatsimiititaq, 10.09.24:

Ilisimatitsissut tusaatissatut tiguneqarpoq.

Aningaasaqarnermut Inuusutissarsiornermullu Ataatsimiititaq, 24.09.24:

Ilisimatitsissut tusaatissatut tiguneqarpoq.

Ilanngussat

1. Inuit innarluutillit tapersorsorneqarnissaannut Inatsisartut inatsisaannut ilassutitut tusarniaanermi akissuteqaat
2. Inatsisissatut siunnersuutip aningaasaqarnermut kingunerisassaanut takussutissaq

Punkt 11: Ujaqgeriviliornissamut aamma nutaamik inuussutissarsiateqarfiliornissamut pilersaarutitut qinnuteqaammik akuersissuteqarneq

Beslutning

Inassuteqaat akuersissutigiineqarpoq.

Bilag

Naliliineq aamma piumasaqaatit

Tusarniaanermut akissutitik suliaqarneq

Tusarniaanermi akissutit tiguneqartut

Ujaqgeriviliornissamut aamma nutaamik inuussutissarsiateqarfiliornissamut pilersaarutitut qinnuteqaammik akuersissuteqarneq

Pilersaarummik piginnittup piginnaasai


Aningaasaqarneq pillugu nassuiaat

Naliliinissamut immersuiffissaq

Pilersaarutitut qinnuteqaatinik ingerlatsineq

Pilersaarummik qinnuteqartup eqqaamasassatut allattugaatai

Pilersaarummik qinnuteqartup eqqaamasassatut allattugaatai



Ujaqqureviliornissamut aamma nutaamik inuussutissarsiuqarfiliornissamut pilersaarutitut qinnuteqaammik akuersissuteqarneq

Aalajangiiffigisassaq

SagsID.: EMN-2024-00291

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Ujaqqureviliornissamut aamma nutaamik inuussutissarsiuqarfiliornissamut pilersaarutitut qinnuteqaat ingerlatsivimmiit piunasaqaatigineqartunik sillimaffigisassanillu ilalik akuersissutigineqassasoq

Suliassamik saqqummiussineq

Sanarfinermut Avatangiisinullu Ingerlatsiviup pilersaarusiamik piginnittoq Nuuk Entreprenøren sinnerlugu Ujaqqureviliornissamut aamma nutaamik inuussutissarsiuqarfiliornissamut pilersaarutitut qinnuteqaat matumuuna saqqummiuppaa. Ujaqqureviliornissamut aamma nutaamik inuussutissarsiuqarfiliornissaq sapaatip akunnerini arfineq-pingasuni piffissami 22.maaji – 8. agusti 2024-mi tamanut tusarniaassutigineqarpoq. Piffissami tusarniaaffiusumi tusarniaanermut akissuteqaatit tallimat tiguneqarput, taakkulu piunasaqaatinik sukaterinermik kinguneqarput (ilanngussaq 1 takuuk).

Ujaqqureviliornissamut aamma nutaamik inuussutissarsiuqarfiliornissamut pilersaarutitut qinnuteqaammi nassuiaatigineqarpoq immikkoortoq 5,1 hektaritut annertussusilik Nuummi Pineqaatissinneqarsimasunut inissiisariup kujataata kangiani inissisimasoq. Pilersaarummi nunaminertaq ujaqqurevissaq siunissami inuussutissarsiuqarfingortinneqarsinnaasoq pineqarpoq. Pilersaarummi naatsorsuutigineqarpoq nunaminertaq tamakkerluni ukiuni tallimat - 10-ni sanaartorfineqassasoq.

Ingerlatsivimmit pilersaarutitut qinnuteqaammik naliliineq kiisalu piunasaqaatit sillimaffigisassallu ilanngussanut ilanngunneqarput.

Ingerlatsivimmit aningaasatigut sulisoqarnikkullu naliliinerit

Ingerlatsivimmit oqaatigineqarpoq, pilersaarummi piginnittumit namminermit kommunimut pilersaarummut tapiliussap suliarineqarnissaanut aammalu ilaatigut VVM-imik misissuinermit kiisalu sanaartornermut, sanaartorfissagissaanermut illuliornermullu aningaasartuutissat akilerneqassasut.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviummik uppernarsaatillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. novembari 2010-meersoq
- Inatsisartut inatsisissaat nr. 34, 9. decembari 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Illoqarfimmik ineriartortitsinermit Sanaartormullu Ataatsimiititaq, 02.09.24:
Inassuteqaat akuersissutigineqarpoq.

Siusinnerusukkut aalajangiinerit

Aningaasaqarnermit Inuussutissarsiornermullu Ataatsimiititaq, 24.09.24:
Inassuteqaat akuersissutigineqarpoq.

Ilanngussat

1. Naliliineq aamma piunasaqaatit
2. Tusarniaanermut akissutininik suliaqarneq
3. Tusarniaanermi akissutit tiguneqartut
4. Ujaqqureviliornissamut aamma nutaamik inuussutissarsiuqarfiliorinissamut pilersaarutitut qinnuteqaammik akuersissuteqarneq
5. Pilersaarummik piginnittup piginnaasai
6. Aningaasaqarneq pillugu nassuiaat
7. Naliliinissamut immersuiffissaq
8. Pilersaarutitut qinnuteqaatinik ingerlatsineq
9. Pilersaarummik qinnuteqartup eqqaamasassatut allattugaatai
10. Inatsisartut inatsisaat nr. 34, 9. decembari 2015-imeersoq

Punkt 12: Københavns Kommunianik illoqarfittut ikinngutigiittut suleqatigiinneq pillugu isumaqatigiissuteqarneq

Beslutning

Inassuteqaat akuersissutineqarpoq, imatut allannguutitalerlugu: Isumaqatigiissummi (ilanngusaq 1) Artikel 1-mi oqaaseq "europamiut" peerneqarpoq.

Bilag

MoU - Kommuneqarfik Sermersuup aamma Københavns Kommuniata akornanni illoqarfittut ikinngutigiittut suleqatigiinneq pillugu isumaqatigiissut

Kommuneqarfik Sermersuup aamma Københavns Kommuniata akornanni malittarisassaqaarluni illoqarfittut ikinngutigiittut suleqatigiinneq pillugu isumaqatigiissuteqarnissamut qaaqquissut

Københavns Kommuniata suleqatigiissutigineqarsinnaasut pillugit saqqummiussai ataatsimiititamiit susassaqtumit akuerisat

Kommuneqarfik Sermersuup Københavns Kommunimik illoqarfittut ikinngutitut suleqatigiiffiusinnaasut pillugit saqqummiussai

Københavns Kommuneanik illoqarfittut ikinngutigiittut suleqatigiinneq pillugu isumaqatigiissuteqarneq

Aalajangiiffigisassaq

SagsID: EMN-2023-02155

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Kommunalbestyrelsimut inassuteqaatigineqarpoq:

- Københavns Kommunianik illoqarfittut ikinngutigiittut suleqatigiinneq pillugu inaarutaasumik isumaqatigiissut akuersissutigineqassasoq

Suliassamik saqqummiussineq

Kommunalbestyrelsip maajip ulluisa 23-anni 2023 aalajangerpaa, Københavns Kommunianik malittarisassaqluni illoqarfittut ikinngutigiinnermi suleqatigiinnissamik siunnersuut ataatsimiititani susassaqtartuni tamani sularineqassasoq, tamatumalu kingornagut Kommunalbestyrelsimi imarisaa isummerfigeqqinneqassaaq illoqarfittullu ikinngutigiittut suleqatigiinnissami malittarisassaliortoqluni. Ataatsimiititat susassaqtartut atuuttut 2023-mi septembarimi isumaqatigiissummut siunnersuutit oqaluuseraat.

Suleqatigiissutigineqartussat pillugit ingerlatsiviit immersuineri aallaavigalugit, maanna isumaqatigiissummut inaarutaasumik siunnersuut oqaasertalersorneqarpoq.

Isumaqatigiissummi suleqatigiissutigineqartussat qulequttat pingaarnertit tassaapput:

- 1) Kulturi, qanimut oqartussaaqataaneq aammalu innuttaasunik peqataatitsineq
- 2) Piujuartitsineq, silaannaap pissusia aammalu illoqarfimmik ineriartortitsineq
- 3) Inuusuttut, atugarissaarneq aammalu peqqinneq
- 4) Pisortat suliffeqarfiini pitsaasumik ingerlatsineq

Suleqatigiissutigineqartussat erseqqissut ataatsimoorullugit ilusilersorneqassapput aammalu ingerlatsivinni aamma/imaluunniit illoqarfinni taakkunani marlunni politikikkut ataatsimiititani akuerineqassallutik.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Nuuk - Issittumi Illoqarfiit Pingaarnersaat Nuuk pillugu Illoqarfiit pingaarnersaat pillugu Periusissiaq

Ilanngussat

1. MoU - Kommuneqarfik Sermersuup aamma Københavns Kommuniata akornanni illoqarfittut ikinngutigiittut suleqatigiinneq pillugu isumaqatigiissut
2. Kommuneqarfik Sermersuup aamma Københavns Kommuniata akornanni malittarisassaqluni illoqarfittut ikinngutigiittut suleqatigiinneq pillugu isumaqatigiissuteqarnissamut qaaqquusissut
3. Københavns Kommuniata suleqatigiissutigineqarsinnaasut pillugit saqqummiussai ataatsimiititami susassaqtartumit akuerisat

4. Kommuneqarfik Sermersuup Københavns Kommunimik illoqarfittut ikinngutitut suleqatigiiffiusinnaasut pillugit saqqummiussai

Punkt 13: 2025-mut missingersuutit siullermeerneqarnerat

Beslutning

Inassuteqaat akuersissutigineqarpoq.

Bilag

2025-mut missingersuutininut missingersuusiornissamut malittarisassat

Angusat pillugit takussutissaq

Aningaasaliissuteqartarnerit takussutissartaat

Allaffeqarfimmit missingersuutissatut siunnersuutininut takussutissaq

Allaffeqarfimmit missingersuutissatut siunnersuut 2025 - Meeqqanut Atuarfeqarnermullu

Allaffeqarfimmit missingersuutissatut siunnersuut 2025 – Meeqqanut Ilaqutariinnullu

Allaffeqarfimmit missingersuutissatut siunnersuut 2025 – Sanarfinermut Avatangiisinullu

Allaffeqarfimmit missingersuutissatut siunnersuut 2025 – Suliffeqarnermut Isumaginninnermullu

Allaffeqarfimmit missingersuutissatut siunnersuut 2025 – Suliffeqarfimmut Kiffartuussivik

Misissueqqaarinissamut sanaartugassatut kissaatit

Misissueqqaarinerit takussutissartaat

Sanaartugassanut Iluarsagassanullu Aningaasaateqarfik takussutissaq

2025-mut akigititassatut siunnersuutit

Akigititat 2025

Siunertat allaaserineri 2025

2025-mut missingersuutit siullermeerneqarnerat

Aalajangiiffigisassaq

SagsID.: EMN-2024-01487

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. akissarsianik siumut naatsorsuinermi 2,25 %-inik annertussusilerneqarnissaat akuersissutigineqassasoq
2. Akileraarutip procentia 26% oqaluuserineqassasoq

Suliassamik saqqummiussineq

Allaffeqarfik Aningaasaqarnermut Inuussutissarsiornermullu Ataatsimiititap 2025-mut siullermeerutaasumik missingersuusiorneranut atatillugu arlalinnik allagaqarpoq suliamut saqqummiussissummut matumunnga ilanngunneqartunik.

Allagaatit tassaapput 2025-mut missingersuutitut aamma ukiunut missingersuusiorfiusunut 2026-2028-nut missingersuutitut saqqummiussassat ataatsimut katiterneqarneri. Missingersuutitut saqqummiinermit 2025-mi tunngaviumik missingersuutit suliarineqarnissaat siunertarineqarpoq, ataatsimiititallu missingersuutit qanoq oqimaaqatigiissarissoqassanersoq pillugu isummersuutigissallugu.

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersoq akuerineqarneratigut, kommune ingerlatsinermit aamma sanaartornermit aningaasartuutimik killilersuinissamimik pisussaaffilerneqarpoq. Ukiut sisamat ingerlaneranni kommunip ukiumoortumik missingersuuta oqimaaqatigiissinneqassaaq imaluunniit sinneqartoofiusaaq. Ukiut sisamat ingerlaneranni ukiuni ataasiakkaani amigartooruteqartoqarsinnaavoq sinneqartooteqarluniluunniit, taamaattorli ukiut sisamat ingerlaneranni oqimaaqatigiissinneqassapput imaluunniit sinneqartooteqarfiussapput. Aningaasaqarnermut Naalakkersuisoqarfiup ukiut tamaasa aprilip naannginnerani kommuninut ataasiakkaanut aamma Namminersorlutik Oqartussanut ukiunut tulliuuttunut sisamanut missingersuutit inissisimanissaat pillugu nalunaaruteqartarpoq.

Tassa 2025-mut imaappoq, kommunip ingerlatsinermit sanaartornermullu aningaasartuutit 2.369 mio. koruuninut amerlanerussanngillat.

Allaffeqarfimmit 2024-mut missingersuutit akuerisat kiisalu TB1 aallaavigalugit 2025-mut tunngaviumik missingersuusiortoqarpoq. Ukiumi missingersuusiorfimmil 2025-mi ingerlatsinermit sanaartornermullu katillugit 2.331 mio. koruuninik aningaasartuuteqarfiussamik missingersuusiortoqarpoq, tamannalu isumaqarpoq missingersuutit atornerarsinnaasut 38 mio. koruuniusut.

Ataatsimiititaq sanaartugassanut missingersuutit kiisalu misissueqqaarnerni pingaarnersiuqqissinnaavoq/kinguartitsisinnaavoq annerusumik politikikkut aningaasat atorsinnaasat qaffatsikkumallugit. Aningaasat atorsinnaasat tunngavigalugit Kommunalbestyrelse missingersuutit siunnersuutit pingaarnersiornerissaannut kiisalu missingersuutit kissaatit suliniutillu nutaat ilanngunniissaannut periarfissaqassaaq.

Missingersuutit Kommunalbestyrelsimi siullermeerneqarnissaannut saqqummiunneqassapput, tamatumalu kingorna missingersuutit inaarutaasumik aalajangiunneqarsimasutut naatsorsuutigineqarnissaannut Aningaasaqarnermut Inuussutissarsiornermullu Ataatsimiititami Kommunalbestyrelsimilu aappassaaneerseqassapput.

Ingerlatsivimmit aningaasatigut sulisoqarnikkullu naliliinerit

Missingersuutissatut siunnersuut 2024-mut missingersuutit akuerisat aallaavigalugit suliarineqarpoq, 2024-mi ilassutitut aningaasaliissutit akuerineqarnerisa kingorna aaqqiissutitaqartut. Missingersuutit aqutsinermut atugassaapput, matumanilu allaffeqarfimmit politikinerinillu missingersuutit, tassunga ilanngullugit imarisai piumasaqaatillu ilaasut, tutsuigineqarnissaat pisariaqarpoq. Taamaattorli suliassat annertussusiisa allangornerinik kiisalu tassanngaannartumik pisoqarneranik missingersuutininut siunnersuusiordermi siumut naatsorsorneqarsinnaanngitsunik pisoqarsinnaavoq. Pissutsit taamaattut ukiumi missingersuusiorderfimmi ilassutissatut aningaasaliissutitut ilaatinneqartassapput.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit naliliineq immikkoortumi qulaani takuneqarsinnaavoq, Suliffeqarfimmut Kiffartuussivik suliamut uunga pineqartumut susassaqaartuugami.

Inatsisitigut tunngavissaq allakkallu tunngaviusumik uppernarsaatillit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allangortinneqarnissaa pillugu Inatsisartut inatsisaat nr. 13, 1. december 2021-meersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Aqutsinermut ileqqoreqqusat
- Kommuneqarfik Sermersuumi 2025-mut missingersuusiordermut malittarisassat
- Kommuneqarfik Sermersuumut piginnaatitsinermik agguataarinissamut pilersaarut

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq 24.09.24:

Suliffeqarfimmut Kiffartuussivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. akissarsianik siumut naatsorsuineri 2,25 %-inik annertussusilerneqarnissaat akuersissutigineqassasoq
2. ilanngussaq 10 naapertorlugu misissueqqaarinissanik pingaarnersiuisoqassasoq
3. Akileraarutip procentia 26% oqaluuserineqassasoq
4. Missingersuutit oqaluuserineqartut, naleqqussaanerit ilanngullugit, siullermeerneqarnissaannut Kommunalbestyrelsimut inassuteqaatigineqassasut

Inassuteqaat akuersissutigineqarpoq, inassuteqaatit aappaat politikikkut isumaqatiginninniarnermi ilannguneqartussaasoq minillugu.

Ilanngussat

1. 2025-mut missingersuutitut missingersuusiornissamut malittarisassat
2. Angusat pillugit takussutissaq
3. Aningaasaliissuteqartarnerit takussutissartaat
4. Allaffeqarfimmit missingersuutissatut siunnersuutitut takussutissaq
5. Allaffeqarfimmit missingersuutissatut siunnersuut 2025 - Meeqqanut Atuarfeqarnermullu
6. Allaffeqarfimmit missingersuutissatut siunnersuut 2025 – Meeqqanut Ilaqutariinnullu
7. Allaffeqarfimmit missingersuutissatut siunnersuut 2025 – Sanarfinermut Avatangiisinullu
8. Allaffeqarfimmit missingersuutissatut siunnersuut 2025 – Suliffeqarnermut Isumaginninnermullu
9. Allaffeqarfimmit missingersuutissatut siunnersuut 2025 – Suliffeqarfimmut Kiffartuussivik
10. Misissueqqaarinissamut sanaartugassatut kissaatit
11. Misissueqqaarinerit takussutissartaat
12. Sanaartugassanut Iluarsagassanullu Aningaasaateqarfik takussutissaq
13. 2025-mut akigititassatut siunnersuutit
14. Akigititat 2025
15. Siunertat allaaserineri 2025

Punkt 14: Ataatsimeeqataanginnernik nalunaarsuisarneq

Beslutning

Ilisimatitsissut tusaatissatut tiguneqarpoq.

Kommunalbestyrelsimit eqqartorneqartut:

- Ataatsimeeqataanginnissamik nalunaarnissaq ullunik tallimanik sivitsorneqarnissaa kissaatigineqarpoq
- Qanigisat kikkunerat pillugu kipparippallaangitsumik sinaakkusissat ersarissat suliarineqarnissaat kissaatigineqarpoq
- Ataatsimiitit angalanissaat unittoortarneri pinaveersaartinniarlugit ataatsimiitit marlukkaarlutik angalasarneri iluarineqarput, aammalu periarfissaavoq siumoorluni tamanut angalanissat pilersaarusiorneqarsinnaaneri
- Pissutissaqangitsumik ataatsimeeqataangiinnermi aningaasarsianik ilanngaatisinnaanissaq ujartorneqarpoq

Bilag

Ataatsimeeqataanginnernik nalunaarsuinissamut ilitersuut



Ataatsimeeqataanginnernik nalunaarsuisarneq

Oqaluuserisassaq

SagsID.: EMN-2022-02690

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Aningaasaqarnermut Inuusutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Ataatsimeeqataanginnernik nalunaarsuinissamut ilitsersuut tusaatissatut tiguneqassasoq
2. ilitsersuummi immikkoortumi 4-mi ilassutigineqarsinnaasunik eqqartueqatigiittoqassasoq

Suliassamik saqqummiussineq

Kommunalbestyrelsimi ataatsimeeqataanginnernik nalunaarsuinissamut Suliffeqarfimmut Kiffartuussivimmi ilitsersuummik (ilanngussaq 1) suliaqartoqarnikuuvoq. Ilitsersuut Inatsisartut inatsisaat, Namminersorlutik Oqartussat aalajangersagaat kiisalu kommunalbestyrelsip suleriesaa naapertorlugit suliaavoq, uanilu Kommunalbestyrelse qinnuigineqarpoq ataatsimeeqataanginnerup qaqugukkut, naartunerup, ernereernermi sulinngiffeqarnerup aamma qitornavissartaarnerup saniatigut, akuerineqarsinnaanera erseqqissarniarlugu oqallisigineqassasoq.

Ilitsersuutip siunertarivaa politikikkut ataatsimiinnernut ataatsimeeqataasinnaannginnermik nalunaarutit, piffissaagallartillugulu sinniisunik aggersaasarnissap pitsaasumik ingerlanneqartarnissaasa qulakkeerneqarnissaat kiisalu aningaasanik akisussaassuseqartumik atuinnisaq.

Ilaasortat siumut nalunaaruteqaqqaaratik ataatsimiinnerni peqataasarsimanginnerannik nalunaarsugaqarpoq, ataatsimiititani aamma Kommunalbestyrelsimi. Tamatuma saniatigut pisoqartarpoq peqataanginnermut patsisaasut ilumut akuerineqarluni peqanginnermut patsisaasinnaaneri apeqquserneqarsinnaasunik. Taamaattumik akuerineqarluni ataatsimeeqataanginnerup erseqqissarneqarnissaa nassuiarneqarnissaalu pisariaqartinneqartutut isigineqarpoq.

Ingerlatsivimmit aningaasatigut sulisoqarnikkullu naliliinerit

Borgmesterip, borgmesterip tulliata siulliup, ataatsimiititat siulittaasuisa, kommunalbestyrelsimut ilaasortat akissarsiassa 2024-mut missingersuutini matumani ilanngunneqareerput.

Suliffeqarfimmut Kiffartuussivimmit aningaasatigut naliliineq

Annerusumik oqaaseqaatissaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Naartunermi, erninermi meeravissartaarnermilu sulinngiffeqartarnek pillugu Inatsisartut inatsisaanni nr. 5, 19. november 2020-meersoq
- Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat nr. 25, 30. december 2013-imeersoq
- Kommunalbestyrelsip suleriesaa

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 24.09.24:

Ilisimatitsissut tusaatissatut tiguneqarpoq. Ataatsimiititami oqaluuserineqartut:

1. Qanigisamik napparsimasoqartillugu peqataasinnaanginnissamut nalunaarsinnaaneq aamma atuutinneqarnissaa kissaatigineqarpoq (Qanigisaq kinaanersoq nassuaaserneqassaaq)
2. Peqataanginnissamut ullut tallimat sioqqullugit nalunaartoqartarnissaa kissaatigineqarpoq

Ilanngussat

1. Ataatsimeeqataanginnernik nalunaarsuinissamut ilitsersuut

Punkt 15: Lukket

Punkt 16: Lukket

Punkt 17: Lukket

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq. nal. 14.35.